



Bab : Qasam / Mannat

Fasl : Qasam / Mannat Ke Bare Me

Sawal No : 63

Upload Date : 29-11-2023

Topic : Mannat Manne Ki Tafseel

Sawal : Mannat Manne Ka Kya Hukm Hai ? Aur Us Ke Liye Kya Kya Hona Zaruri Hai ?

Jawab : Mannat Ke Ahkaam Ye Hai, Ke Shar'ee Taur Par Mannat Manna Ja'aiz Hai, Aur Mannat Ke Lazim Hone Ke Liye Zaroori Hai, Ke

1) Mannat Allah Ta'ala Ki Maani Jaye, Lihaza Allah Ke Alawa Ki Mannat Sahih Nahi.

2) Mannat Sirf Ibadat Ke Kaam Ke Liye Ho, Jaise Namaz, Roza Ya Sadqe Ki Mannat Maane, Lihaza Jo Kaam Ibadat Nahi, Jaise Ajmer Shareef Par Jane Ki Mannat, To Us Ki Mannat Sahih Nahi Hogi.

3) Ibadat Aisi Ho, Ke Is Tarah Ki Ibadat Kabhi Farz Ya Wajib Hoti Ho, Jaise, Namaz, Roza, Hajj, Qurbani Wagera, Pas Aisi Ibadat Ke Jis Tarah Ki Ibadat Kabhi Farz Ya Wajib Nahi Hoti Ho, Is Ki Mannat Bhi Sahih Nahi, Isi Tarah Jo Ibadat Pehle Se Farz Hai (Maslan 5 Waqt Ki Namaz, Sahib E Nisaab Ke Liye Zakat, Ramadan Ka Roza Aur Maaldar Ke Liye Hajj), Is Ki Nazar Maanna Bhi Sahih Nahi, Kyun Ke Ye Pehle Se Hi

Farz Hai.

■ **Aur Mannat Ka Hukm Ye Hai, Ke Jis Kaam Ke Hone Par Mannat Maani Jaye, Aur Woh Kaam Ho Jaye, To Us Mannat Ka Poora Karna Wajib Ho Jata Hai. Fakt - Allah Ta'ala Sabse Zyada Janne Wale Hai.**

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER